

龍門志

天下

也龍

日夕

浮翠

於海

大巡

河北大學圖書館

編

河北大學圖書館藏 稀見方志叢刊



國家圖書館出版社

先生命河津令樊子初造鐵鍊惠及無
之勝槩也天下之人慕龍門之勝者

河北大學圖書館 編

河北大學圖書館藏稀見方志叢刊

10

國家圖書館出版社

第十冊目錄

【民國】淮陰志徵訪稿

八卷（卷四至卷八）

.....

民國淮陰志徵訪稿卷之四上

邑人 徐鍾金採訪

學校志六 內經費一目卷冊散佚未及鈎考暫

缺

學宮一 勸學所教育會附

光緒六年漕督黎培敬建考棚三十楹於行台為本

邑士子考課之所

二十一年知縣侯紹瀛創建猶龍書院於老子山。

南豐劉庠為作記曰老子山在洪澤湖之屋湖洄悉

為難地則界於清河盱眙兩縣之間兩縣之民爭據

為業往往興訟大府飭官吏履勘丈量而清厘之其
屬於清河者凡得灘地三百餘頃侯東洲大令爰於
老子山之陽創建猶龍書院為諸生肄業之所撥灘
地四十餘頃以資膏伙院中凡主屋三楹崇祀老子
下為講堂三楹兩廡各三楹大門三楹繚以周垣經
始於丙申之春至其秋節落成侯君以粵西名考廉
令清河數年以來清河之民无不安於耕鑿奸宄斂
迹商賈之出其塗者宵行如晝而其士子秀良者尤
爭自濯磨以蘄進於道德而勵精於文辭舊有崇賢
書院余適主講於是侯君聽政之暇嘗至院進諸生

於連而親為講說與余商定其甲乙與其所能而勉其所未至顧以書院近在村郭其有鄉僻學者往往以資斧維艱不能負笈來遊故又建斯院以廣招願學之士其用心可謂勤且至矣下略

二十六年知縣洪槃立三餘清課法。專試文章每九月月一次優者給膏火有差槃去遂罷課

三十年漕督陸元鼎重修文昌閣。閣在文廟大門之左年久圯廢至是乃重修之邑人為建佑啟人文坊以記其事

三十二年詔升孔廟為大祀應更製神牌改覆黃瓦

展拓月臺增備禮樂器具以費繼未果

附勸學所教育會

勸學所教育會俱成於光緒三十三年三月知縣章維鈞遵丙午部章設立者也勸學所設總董協董各一人總董以縣視學陳恩沛兼協董以經濟提督喬國楨兼以縣委經濟員司其監督皆於宣統元年公舉三年喬國楨辭職舉仲紹周繼之教育會設正副會長各一人光緒三十四年公舉張符元為正會長王義成副之兼師範傳習所所長宣統二年任滿公舉徐作霖為正會長王義成連任

學堂二

淮陰之有學堂蓋權輿自光緒壬寅當是時學制初頒海隅發皇多士鼎風顧條教雜糅變置倏忽蚤暮異趣不可殫究夫高以下基洪由纖起政變之會有由然矣今稽鈎舊聞泝其原委究其存廢而次其變遷之略首小學教育次中學及師範教育次高等教育次實業及警察教育得如干校(研究所)附若夫童冠誦習之教師傳進退之概規章級額之詳術業考校之制則存經兵革勦籍散亡多弗可考已。凡私立者書其名以公歟者不具書

光緒二十九年正月漕督陳夔龍初立蒙小學堂六
所縣治之學四一在東門外一在海神廟北一在西
關帝廟一在碧霞宮。先是縣治有文行忠信四義
塾至是將原有經費改設四蒙學分高等尋常兩級
隸於江北高等學堂而厚其薪脩自后高等改師範
漕督改提督蒙學俱无變更光復后始罷。鄉鎮之
學二一在馬頭鎮一在張家圩。在馬頭者今為六
區第一國民學校在張家圩者今為公立湖庄國民
學校。俱就原有之義塾加以編制者也自時殿后
公立之初等小學在縣治則曰三餘。在靈應祠光

緒二十九年正月立每年經費四百千文今為一區
第二國民學校后此凡稱公立者均係以特指支給
經費。曰普育。在忠義祠光緒三十二年九月立
每年經費四百千文今為一區第三國民學校。曰
競寔。在河北馬路西宣統二年正月立每年經費
三百千文今為一區第五國民學校。在鄉鎮則陳
集一。宣統二年正月立今為二區第一國民學校
。大興庄一。在文昌宮宣統元年二月立每年經
費四百千文今為三區第一國民學校。王營二。
一曰蔚文第一初設張協泰東宅繼遷參府署宣統

元年邑人張耀東及族子錦睦倡辦常年經費五百千文今為三區第二國民學校一日稽古在太陽宮年分未詳今罷。楊莊一。在三元宮光緒二十七年鎮董張毓采勸諭住持僧年捐六十千設蒙養義塾一町三十年住持僧因事潛逃田產充公計田六百畝有奇歲入佃租四百九十千作塾中經費明年改為養正學堂仍由毓采董理其事今為四區第一國民學校。三柯樹一。日競進在今市公所宣統二年三月立每年經費二百千文今為四區第三國民學校。五里庄一。在圩西北圩光緒三十三年

正月立每年經費三百千文今為五區第一國民學校。徐家溜一。曰同文宣統三年立每年經費二百千文今為五區第四國民學校。凡十有一所故私立之初等小學在縣治則有模範。在河北海神廟西宣統三年邑人王登雲立光復后更名繩武今罷。有正義。在河北海神廟東宣統元年休寧蔡國瑞立今為一區第八國民學校。有愛同。在南巷光緒三十二年邑人李緒章立宣統初罷。有求真。有文昌宮光緒三十二年邑人靳贊成立宣統初罷。有篤行。在双棋杆光緒三十二年邑人朱

淇露立宣統三年罷。有培墓。在西地藏庵宣統
元年邑人陳伯魁立今罷。有教業。在水渡口耶
穌教長老會立年分未詳今存。有穆英。在清真
寺宣統二年回民合立今存。在鄉鎮則有貽德。
在西堤同心棧光緒二十八年正月岸商合立每年
經費五百千文今存。有經正。在王營鎮宣統元
年邑人孫乃煊立尋罷。有善善。在袁家集南韓
莊宣統三年邑人韓道立今為三區第七國民學校
。有達材。在小營月光庵宣統二年邑人趙鳴琮
立辛亥年罷。有通智。在王草廟宣統二年邑人

王義成立每年經費二百千文今存。有大觀。在
袁集宣統二年邑人袁景山立未幾罷。有蔚文第
二。在王營禮拜寺宣統三年皮業商人合立初為
簡易識字學塾。繼更名今罷。有漁業。在馬頭鎮
宣統二年漁業商合立今罷。合之漁溝西填潘圩
諸兩等小學之初等科詳后都為十有八所云。以
上初等小學堂

清河縣官立高等小學堂光緒三十二年二月就城
內猶龍書院改建三十四年二月遷入河北岸崇寔
書院初辦分內外兩班每班三十人后銷除內外班

名稱招取三班一律繳納膳費學生最多數達百餘人經常費於城市鄉麥厘襍捐及積穀三成項下支領初約二千數百千后擴充至三千數百千云。光復后確定歸縣有學款項下撥給定名曰淮陰縣立第一高等小學校

私立繩武高等小學校在河北海神廟西街光緒三十三年邑人張符元創辦其明年附屬江北公立中學堂內畢業一班約四十人今存。每年經常費詳下中學項

私立漁溝兩等小學堂在漁溝鎮光緒三十三年九

月就臨川書院改建初等一班高等兩班學生最多
數百餘人經常費田租一千一百千張家圩灘租項
下補助四百金淮關洋單驗票項下補助六百千○
康熙間清河縣令管鉅因吳瀚捐官田三頃建臨川
書院於漁溝鎮嚴久房屋廢圯田產湮沒嘉慶中吳
朝觀偕弟昌基姪安靜別購地基重建並捐田以資
膏火光緒三十二年吳鍾驥鍾偕弟涑琳中姪具稜稟
准官府改為私立漁溝兩等小學堂並將附近吳氏
所建向善堂延壽菴房屋及田產併入不足復捐田
二頃充常年費用今存

淮北商立西堤兩等小學堂在西堤鎮關帝廟內光緒三十三年二月由票商組織成立初辦高等一班初等一班宣統三年漸次擴充高等三班初等兩班經常費票鹽捐項下規定年支二千四百兩今存私立滎陽兩等小學堂在潘家圩光緒三十四年二月邑人潘憲章設立年捐銀九百十文充經常費並捐建校舍二十五間今罷（以上高等小學堂）

右小學教育

江北公立中學堂在縣治河北光緒三十二年張紳符元既成繩武高等小學越二年更立中學而繩武